

ԲԱԶՄԱՎԱՍՏԱԿ ՀԱՅԱԳԵՏՐ



Կարճատև հիվանդությունից հետո կյանքից հեռացավ քաղաքականական հայագետ, արևելագետ, պատմաբան, պատմական գիտությունների դոկտոր, պրոֆեսոր, Մաշտոցի անվան Մատենադարանի միջնադարյան մատենագրության և դիվանական վավերագրերի բաժ-

նի վարիչ, Մայր Աթոռ Սուրբ Էջմիածնի Գերագույն Հոգևոր Խորհրդի անդամ Հակոբ Դավթի Փափազյանը:

Հակոբ Փափազյանը ծնվել է 1919 թվականին Իրանի Թավրիզ քաղաքում: 1946 թ. ներգաղթելով Հայաստան, ընդունվում է 1950 թ. ավարտում է Երևանի Պետական համալսարանի բանասիրական ֆակուլտետի արևելյան բաժինը, այնուհետև Հայաստանի Գիտությունների Ակադեմիայի Պատմության ինստիտուտի ասպիրանտուրան՝ պաշտպանելով մախ թեկնածուական, ապա դոկտորական դիսերտացիաները:

1950-ական թթ.-ից մա մախանձելի մի հետևողականությամբ սկսում է հրատարակել Մատենադարանում պահվող պարսկական դիվանական վավերագրերը, որոնք, միջնադարյան պատմագրության և ձեռագրերի հիշատակարաններից հետո, դարձան հայ ժողովրդի պատմության և մասնավորապես 15-18-րդ դարերն ընդգրկող շրջանի երրորդ կարևոր սկզբնաղբյուրը:

Հակոբ Փափազյանը, սակայն, միայն պարսկերենի լեզվական տարբեր շերտերի մրբերանգներին քաջատեղյակ հնագրագետ և ձեռագրագետ չէր (որը ինքնին շատ մեծ արժանիք է), այլև վավերագրերի հրապարակման իր սկզբունքով բնագրագիտությունը բարձրացրեց պատմագիտության, իսկ պատմագիտությունը՝ ընդհանուր մշակութաբանության աստիճանի՝ իր ուսումնասիրությունները խաբսխելով բնագրագիտության, պատմագիտության, արևելյան իրավունքի և իրանական մշակույթի զարմանալի իմացության վրա, որը լավագույնս արտահայտվեց «Ագորայից հարաբերությունները Արևելյան Հայաստանում 15-17-րդ դարերում» մեծարժեք ուսումնասիրությունում, որը նվիրված էր քննվող ժամանակաշրջանում Արևելյան Հայաստանի պատմության լուսաբանմանը ագորայից հարաբերությունների տեսանկյունից: Աշխատանքում մանրամասնաբար քննվում է հայ ավատական հողատիրության ունեցվումը 15-16-րդ դարերում և այդ հողային տիրույթների հետագա վիճակը 17-րդ դարում: Հայ եկեղեցական իրավունքի պատմության համար մեծ կարևորություն ունի ուսումնասիրության եկեղեցական հողատիրությանը վերաբերող վեցերորդ գլուխը:

Այն իրողությունը, որ հայկական պետականության անկումից հետո Հայ

Եկեղեցին է ներկայացրել Ռայ ժողովրդի իրավունքներն ու շահերը օտար տիրողների առջև, Հակոբ Փափազյանը արաբագիր Ռոմվարտակների և կալվածագրերի միջոցով հավաստում է ազդարարին հարաբերությունների տեսանկյունից, թե Ռայ աշխարհիկ հողատիրության աստիճանական ունեզրկման պայմաններում ինչպես որոշակի արտոնություններ և իրավունքներ էին վերապահված վաճառատկան կալվածքներին, և թե պարսից արքունիքի ու տեղական խաների հետ բանակցություններում մեր հոգևորականները ինչպես են պայքարել հանուն Հայ Եկեղեցու ունեցվածքի պահպանության, որից գոյացած միջոցներով էին մեծապես իրականացվում ազգային-հոգևոր տարբեր ձեռնարկումները:

Նաև մեր պատմագիտությունում և գրականագիտությունում շեշտվող այն միտքը, որ Հայոց Եկեղեցու Ընդհանրական Աթոռի վերահաստատումը Ս. Էջմիածնում արդյունք էր տևական մի աշխատանքի, որն արտացոլվել է Ստեփանոս Օրբելյանի «Կաթողիկեի ողբը» չափածո ստեղծագործությունից մինչև Գրիգոր Տաթևացու և Թովմա Մեծոփեցու ծավալած գործունեությունը, Հակոբ Փափազյանը վերստին հավաստել է նաև հողատիրական իրավունքի տեսանկյունից՝ ցույց տալով, թե ինչպես աստիճանաբար իրենց տնտեսական և քաղաքական դիրքերից զրկվող Ռայ ֆեոդալական տների հեռատես ներկայացուցիչները, Սյունյաց Օրբելյանների (մասնավորապես՝ Ռուստամ Օրբելյանի) գլխավորությամբ, Էջմիածնի վանքին կատարած յոթ գյուղերի և այլ մվիրատվություններով ստեղծեցին նյութական-տնտեսական այն հիմքը, շնորհիվ որի 1441 թ. ժողովից հետո Հայոց աշխարհի սրտում Արարատյան երկրում գտնվող Ս. Էջմիածնում էր վերահաստատվելու Ամենայն Հայոց Կաթողիկոսությունը:

Հակոբ Փափազյանն առանձնաձև էր ոչ միայն գիտական անվիճելի հեղինակությամբ, այլև քաղաքացիական քաղձր և տոհմիկ հայկական մկարագրով, և անհաթար այն մկարագրով էլ նա կմնա իրեն ճանաչողների հիշողության մեջ:

Հավոբ Փափազյանի մահը կորուստ էր ոչ միայն հայագիտության, այլև Մայր Աթոռ Սուրբ Էջմիածնի համար, որի Գեղազույն Հոգևոր Խորհրդի անդամն էր երկար տարիներ:

Ստորև ներկայացնում ենք Մայր Աթոռի Դիվանի և Վեհափառ Հայրապետի ցավակցական խոսքերը՝ Հակոբ Փափազյանի հիշատակին:

ՀԱՐԳԱՆՔ ՀԱԿՈԲ ՓԱՓԱԶՅԱՆԻ ՀԻՇԱՏԱԿԻՆ

Սրտի խոր վշտով խնացանք անպասելի մահվան մասին Ամենայն Հայոց Կաթողիկոսության՝ Մայր Աթոռ Ս. Էջմիածնի Գեղազույն Հոգևոր Խորհրդի երկարամյա անդամ Դոկտ. Հակոբ Փափազյանի:

Հակոբ Փափազյանի անակնկալ մահվամբ Մայր Աթոռ Ս. Էջմիածնի, հայրենի գիտությունը և Ռայ ժողովուրդը կորցնում են մի վաստակաշատ գիտնական, հայոց ազգային և եկեղեցական պատմության հմուտ մի անձնավորություն, հատկապես իրանագիտության և իրանա-հայկական փոխհարաբերությունների մարզում եզակի մի մասնագետ և մախանձախնդիր Ռայ մարդ, եկեղեցասեր, մշակութագործ և հայրենամկեր:

Մայր Աթոռը իր խոր վշտակցությունն է հայտնում հանգուցյալ Հակոբ

Փափագյանի տիկնոջը և զավակներին և Փափագյան ընտանիքի քոլոր անդամներին ի Հայաստան և արտասահման:

Մեր ցավակցությունները մաս Մաշտոցյան Մատենադարանի Տնօրինությանը և քոլոր գիտաբխատող իր պաշտոնակիցներին, որոնք կորցրեցին իրենց հարազատ ընկերոջը:

Ծավակցություններ մաս հայ գիտության և կրթության մախարարությանը, որ կորցրեց մի մեծ գիտնականի և դաստիարակի:

Թող Բարձրյալն Աստված մրա բարի հոգին ընդունի երկնքի արքայության մեջ և Ս. Հոգու մխթարություն պարգևի քոլոր սգավորներին և հատկապես մրա հարազատներին և ծանոթներին:

Կիրակի, մոյեմբերի 2-ին, Ս. Էջմիածնի Մայր Տաճարում, հավարտ Ս. Պատարագի, տեղի է ունենալու հատուկ հոգեհանգստյան կարգ վասն հոգվո հանգուցյալ Հակոբ Փափագյանի, մախազահությանը Տ. Տ. Գարեգին Ա Ամենայն Հայոց Կաթողիկոսի:

Խուճկ և աղոթք հանգուցյալ Հակոբ Փափագյանի հիշատակին:

ԴԻՎԱՆ ՄԱՅՐ ԱԹՈՌԻ

29 հոկտեմբեր 1997

Ս. Էջմիածին

ՎԵՒՓՈՒ ՀԱՅՐԱՊԵՏԻ ԽՈՍՔԸ ՀԱՆՈՒ ՓՈՓԱԶՅԱՆԻ ՀԻՇԱՏԱԿԻՆ

Մի այսպիսի պահ, մի այսպիսի վայրկյան մեզ մղում է մտածելու կյանքի մասին: Ամենքիս վերջը մահն է: Զկա մարդ՝ առանց մահվան: Ոչ ոք անմահ չէ, և մահը մեզնից վեր մի Հասկացություն է: Կյանքն է տրված մեզ և կյանքն է մեր կարողության, մեր իմացության և կամ՝ մեր անիմացության առարկան: Այսօր, երբ գտնվում ենք մի այսպիսի դադարի առջև, ես Հոգու պարտք եմ զգում ձեր քոլորի Հետ կիսել այն երեք գլխավոր մտածումները, որոնք ինձ այցելում են այս պահին:

Առաջին. Հակոբ Փափագյանը եղավ էություն մեծ մարդ, Հայագիտության նվիրյալ մի առաքյալ՝ իր կյանքը իմաստավորելով և արժեցնելով Հայոց պատմության լուսաբանման, մեր նոր կյանքի պայծառացման Հեռանկարով: Իրանագիտության մեջ իրանյան և Հայկական սկզբնաղբուրներին, վավերագրերին միջից, կարծեք, Հատիկ-Հատիկ նյութեր քաղեց և իր Հոգվածներին, գրեթե տեսելով ընծայեց Հայագիտությանը:

Երկրորդ. նա եղավ Հայաստանյայց Առաքելական Սուրբ Եկեղեցու վեհ ըմբռնումը, նախանձախնդրությունը իր մեջ ապրող և արժեցնող մարդ: Դրա համար երկար տարիներ շարունակաբար, Հետևողաբար, դեռևս մեր երջանկահիշատակ նախորդի՝ Վազգեն Ա Կաթողիկոսի, ինչպես նաև Մեր օրոք, նա եղավ Գերագույն Հոգևոր Խորհրդի մշտական անդամը և այդպես էլ կհեռանա այս աշխարհին: Եվ այսօր Հանուն Մայր Աթոռ Սուրբ Էջմիածնի, Ամենայն Հայոց Կաթողիկոսության, Գերագույն Հոգևոր Խորհրդի, մեր միաբանության, ես իմ Հարգանքի տուրքն եմ ընծայում նրա անմահ Հիշատակին և վաստակին՝ Մայր Աթոռ Սուրբ Էջմիածնի գործունեությանը մեջ:

Երրորդ. նա եղավ ընտանիքին նվիրված Հայր: Նա եղավ մի Հայկական ընտանեկան օջախի, մեր մեծ օջախի, մեր ամբողջական ազգի ընտանիքին մեջ մի վառ, Հարազատ, Հայկական օջախ ստեղծող անձ: Ես այսօր տեսում եմ, թե ինչպես է նա իր զավակներին փոխանցել այն ոգին, որ ժառանգել էր Պարսկաստանում, Փափազյան մեծ ընտանիքի ավանդից և, ինչպես ոսկե օղակ, փոխանցեց այդ ավանդը իր զավակներին և թոռներին:

Որպես գիտնական, որպես եկեղեցանվեր անձ և որպես ընտանիքի Հայր, նրա Հիշատակը արժանի է բարձրորեն Հարգանքի ու խոնարհության: Ես կոչ եմ անում մեր երիտասարդ սերունդին, որ այսպիսի դեմքերի միջից գիտեն իրենց կյանքը այսօր մեր նորանկախ Հայրենիքում՝ պատասխանատվության, պարտավորության գերագույն գիտակցությամբ, որովհետև Հակոբ Փափազյանը եղավ այդ երեք իրողությունները՝ գիտնական, եկեղեցանվեր անձ և Հայր և այդ բոլորը կամարակապող Հայոց պետականությանը, անկախությանը Հավատացող մի ամբողջական Հայ:

Կյանքը խորհուրդ է, և ոչ ոք կարող է նախատեսել կյանքը: Ես մտադիր էի այս տարի նրան պարգևատրել «Ս. Սահակ և Ս. Մեսրոպ» չքանչանով: Դա իր ողջության ժամանակ չեղավ: Ինչպես ասում են, Հետմահու այս չքանչանը, Հանուն Մայր Աթոռ Սուրբ Էջմիածնի, ես գետեղում եմ իր դազադի վրա և ապա փոխանցում իր զավակին և իր ընտանիքին: